



Sakspapir

Sakshandsamar	Arkiv	ArkivsakID
Gjermund Hagesæter		20/538

Saksnr	Utval	Type	Dato
117/20	Formannskapet	PS	24.11.2020
	Kommunestyret	PS	

Revidering av selskapsavtalen for Region Nordhordland Helsehus IKS

Vedlegg:

Selskapsavtale RNHI - revidert desember 2020

Saksutgreiing:

Bakgrunn

Selskapsavtalen for Region Nordhordland Helsehus IKS vart vedteke første gong 12.12.14. Selskapet var då eigd av dei ni kommunane Austrheim, Fedje, Gulen, Lindås, Masfjorden, Meland, Modalen, Osterøy og Radøy.

Lindås, Meland og Radøy slo seg saman til Alver kommune frå og med 01.01.2020, slik at det no er sju kommunar som er eigarar. Det gir krav om endring av selskapsavtalen. Selskapet har av Brreg fått frist ut året med å få på plass ny selskapsavtale som er godkjent i kommunane. Saka skal avgjerast i kommunestyra i kommunane Alver, Austrheim, Fedje, Gulen, Masfjorden, Modalen og Osterøy. Endring av selskapsavtalen krev at alle kommunestyra gjer likelydande vedtak.

Kommunane sin eigardel vert påverka av kommunesamanslåinga. I den gjeldande avtalen er 20 % fordelt likt og 80 % ut i frå folketalet. Dersom ein vel å fortsetja med 20 % fordelt likt, vil Alver kommune ha ein eigardel som er over 50 %. Styret i RNHI synes ikkje det er naturleg at ein kommune skal ha over 50 % eigardel og føreslår at den delen som vert fordelt likt vert auka til 30 %. Det er same fordelingsnøkkel som vert brukt i berekning av medlemsskapet i NUI (Regionrådet). Det gir følgjande fordeling i § 7-2:

Kommune	Fordelt likt	Fordelt ut i frå folketal	Totalt
4631 Alver	4,29 %	45,34 %	49,63 %
4630 Osterøy	4,29 %	12,56 %	16,85 %
4632 Austrheim	4,29 %	4,45 %	8,74 %
4635 Gulen	4,29 %	3,56 %	7,85 %
4634 Masfjorden	4,29 %	2,62 %	6,91 %
4633 Fedje	4,29 %	0,85 %	5,13 %
4629 Modalen	4,29 %	0,60 %	4,89 %
Totalsum	30,00 %	70,00 %	100,00 %

Eigardelen er også grunnlag for røystetalet i representantskapet, sjå § 4-4.



Fedje kommune

Dei andre endringane som er foreslått er formalia som namn og kommunenummer.

Vurdering

Ein auke i prosentandelen som vert fordelt likt mellom kommunane er i utgangspunktet ikkje gunstig for små kommunar som Fedje. I dette tilfellet her er det imidlertid snakk om garantier i eit prosjekt der målsettinga er skal vere finansiert fullt ut av leigetakarane i bygget.

Det er vedtatt i selskapsavtalen § 3-2 «at selskapet skal drifta og leiga ut lokale til offentlig tenesteyting, fortrinnsvis helse - og omsorgstenester for kommunane i Region Nordhordland. Leigeinntektene skal dekkja kapitalkostnadane, drift- og vedlikehaldskostnadane samt felleskostnadar til selskapet.»

Dei største leigetakarane i bygget er Alver kommune, Helse Bergen HF og Hordaland fylkeskommune, fylkestannlegen.

Høgaste ramme for selskapet sitt samla låneopptak er 640 millionar kroner. Fedje kommune sin andel på 5,13 % av dette blir 32,8 millionar kroner.

Med dei leigetakarane ein har i dag og dagens rentenivå vurderer rådmannen at det er liten risiko dei neste åra for Fedje kommune å gå med på denne endringa. Korleis den økonomiske situasjonen utviklar seg på lang sikt er sjølvstans vanskeleg å vite, men alt tyder på at det i alle fall vil vere behov for helse- og omsorgstenester også i framtida.

På bakgrunn av dette rår rådmannen til at revidert selskapsavtale for Region Nordhordland Helsehus IKS vert godkjent.

Folkehelse: Helsehus i Knarvik vil vere positivt for folkehelsa i Nordhordland.

Miljø: Ikkje relevant.

Økonomi: Liten risiko, i alle fall dei neste 5 – 10 åra.

Konklusjon

Rådmannen rår til at revidert selskapsavtale for Region Nordhordland Helsehus IKS vert godkjent

Forslag til vedtak:

Fedje kommune godkjenner revidert selskapsavtale for Region Nordhordland Helsehus IKS med fylgjande endringar:

1. Alver kommune overtar eigaransvaret til kommunane Lindås, Meland og Radøy
2. Eigardelen i selskapet vert fordelt 30 % likt på kommunane og 70 % ut i frå folketalet.



Fedje kommune

F - behandling:

F - vedtak:

Fedje kommune godkjenner revidert selskapsavtale for Region Nordhordland Helsehus IKS med følgende endringer:

1. Alver kommune overtar eigaransvaret til kommunane Lindås, Meland og Radøy
2. Eigardelen i selskapet vert fordelt 30 % likt på kommunane og 70 % ut i frå folketalet.

Samrøystes vedteke.